

## ATODLEN 19

### RHYDDHAD I GWMNĪAU BUDDSODDI PENAGORED

*Rhyddhad rhag treth trafodiadau tir: cyfuno ymddiriedolaeth unedau awdurdodedig gyda chwmmi buddsoddi penagored*

- 2 (1) Mae trafodiad tir sy'n trosglwyddo unrhyw eiddo sy'n ddarostyngedig i ymddiriedolaethau ymddiriedolaeth unedau awdurdodedig ("yr ymddiriedolaeth darged") i gwmmi buddsoddi penagored ("y cwmmi caffael") wedi ei ryddhau rhag treth os yw'r amodau a nodir yn is-baragraff (2) wedi eu bodloni.
- (2) Yr amodau yw—
  - (a) bod y trosglwyddiad yn rhan o drefniant ar gyfer cyfuno ymddiriedolaeth unedau awdurdodedig gyda chwmmi buddsoddi penagored, ac o ganlyniad i hynny, daw'r holl eiddo sydd ar gael gan yr ymddiriedolaeth darged yn rhan o eiddo'r cwmmi caffael (ond nid ei holl eiddo),
  - (b) bod yr holl unedau yn yr ymddiriedolaeth darged yn cael eu diddymu o dan y trefniant,
  - (c) bod y gydnabyddiaeth o dan y trefniant ar ffurf dyroddi cyfranddaliadau neu'n cynnwys dyroddi cyfranddaliadau ("cyfranddaliadau'r gydnabyddiaeth") yn y cwmmi caffael i'r personau a oedd yn dal yr unedau a ddiddymwyd,
  - (d) bod cyfranddaliadau'r gydnabyddiaeth yn cael eu dyroddi i'r personau hynny yn ôl y gyfran o'r unedau a ddiddymwyd yr oeddent yn eu dal, ac
  - (e) nad yw'r gydnabyddiaeth o dan y trefniant yn cynnwys unrhyw beth arall, ar wahân i ysgwyddo neu gyflawni rhwymedigaethau ymddiriedolwyr yr ymddiriedolaeth darged gan y cwmmi caffael.